

**DECAS
PROPOSITIONUM
DE MOMENTIS
GRAVIUM. AD
ILLUSTRISS. &...**

Giovanni Francesco Vanni






1062. 20

XI
VAN

16000

11.



XI

VAN

AI

DE CAS
PROPOSITIONVM
DE

MOMENTIS GRAVIVM.

Ad Illustriss.& Reverendiss.D.

D. IOANNEM
CIAMPINVM

Brevium Gratiae Magistrum, & in utraque
Signatura Referendarium.

A V T O R E

IOANNE FRANCISCO VANNIO
E Societate IESV.



R O M A E,
Typis Ioannis Iacobi Komarek. 1688.

Superiorum Permissu.

1067.20

Thyrsus Gonzalez Præposit. Gen. Soc. Iesu.
Cum Decadem propositionum de
Momentis Grauium à P. Ioanne Francisco
Vannio nostræ Societatis Sacerdote con-
scriptam, aliquot ejusdem Societatis Sacerdo-
tes recognoverint, & in lucem edi posse proba-
verint, facultatem facimus, ut typis mandetur
si ijs ad quos pertinet ita videbitur. Cuius rei
gratia has literas manu nostra subscriptas, &
sigillo nostro munitas dedimus. Romæ 10. Septem-
bris 1688. Thyrsus Gonzalez.

IN hac Decade Propositionum Auctor & stu-
dium suum & ingenij acumen ostendit. Qua-
re cum Geometrix, ac Staticæ studiosis pergra-
tam futuram judicem, nihilque quod Catholicæ
Religioni, bonisque moribus adversetur in se con-
tineat; censeo ut typis mandari valeat, si ita
Reverendiss. P. Iosepho Clariono Sac. Pal. Apost.
Promagistro, videbitur.

I. Ciampinus Brevium Magister.

Imprimatur.

Si videbitur Reverendiss. P. Sac. Pal. Apo-
stolici ProMagistro.

Steph. I. Menattus Episc. Cyrenen. Vicesg.

Imprimatur.

Fr. Ioseph Clarionus Ord. Præd. Sac. Apost.
Pal. ProMagister.

Ad Illustriss. & Reverendiss. D.

D. IOANNEM CIAMPINVM

Brevium Gratia Magistrum, & in utraque Signatura Referendarium.

Præfatio Nuncupatoria.




NNO 1684. Typis evulgavi unicam ac brevem propositionem, in quâ celebris sententia de Momentis Gravium deducebatur ad hoc absurdum, quòd iuxta eam darentur partes majores toto. Ex eodem argumento plenius instaurato, tum nova nostra doctrina, tum alia plura derivata fuere in Exegesibus de Momentis Gravium &c. quas quum in lucem proferrem anno 1685. nondum observaveram, tum aliena impugnari, tum nostra stabiliri posse rationibus magis propriis & immediatis; Hæ verò ultro deinde mihi occurrerunt, perlegenti quæ contra illam unicam propositionem a celeberrimis Mathematicis impressa subinde fuerunt, Romæ, Lipsiæ, Neapoli, & Florentiæ; ac de re tota sæpius cogitanti. Admonitus quoque fui, metho-

A 2 dum

dum geometricam in Exegetibus alicubi
desiderari: ac licet nulla ex earum propo-
sitionibus falsa deprehensa fuerit, melius
quasdam explicari, ac demonstrari oportu-
uisse. His incommodis, an mederi ali-
quousque valeam, experiri cupiens, hanc
lucubratiunculam concinnavi; in quâ in-
stitutum meum ita prosequar, ut nec dif-
ficultatum nuper mihi objectarum obli-
viscar, nec tamen eis datâ operâ, sed velut
aliud agendo satisfaciam. Postquam au-
tem ea felicitas obtigit huic Opusculo,
Præsul Illustrissime, ut gravissimo Tuo
iudicio suffragioque probatum fuerit,
ipsum Tibi nuncupandi audaciam sumpsi.
Neque ob molis ejus exiguitatem deter-
ritus sum: quum nervis omnibus conten-
derim ut breviter scriberem, quæ deinde
longis descriptionibus frustra impugnentur.

MOMENTIS GRAVIVM.

SVPPPOSITIONES.

1.  OLES graves quas consideramus, habent figuram globorum, & sunt penitus homogeneæ.
2. Descensus globorum quos consideramus, sunt liberi seu expertes impedimenti, & fiunt per lineas rectas.
3. Virtutem suæ gravitatis, quam vocamus impetum vel gravitationem, globi exercent, vel in descensu libero actuali, vel in conatu tollendi impedimenta ipsius descensus.
4. Pondus globi censetur esse in centro gravitatis, & in radio per quem exercetur gravitatio.
5. Consideramus impedimenta descensuum applicari globis per meros contactus indivisibiles.
6. Globus descendens super plano declivi, non premit illud nisi parte suæ gravitatis.
7. Velocitas globi liberè descendentis super plano declivi, est minor velocitate, qua idem globus liberè descenderet perpendiculariter.
8. Consideramus velocitates gravium liberè descendentium, quasi essent uniformes.
9. Perpendicularia producta usque ad centrum Mundi, faciunt ibidem angulum; nobis tamen sunt ad sensum invicem parallela.
10. Arcus paralleli horizonti, ad sensum sunt lineæ rectæ.

DEFINITIONES.

1. **P**otentia est id quod impedit descensum globi, & sustinet ejus pondus aut gravitationem.
2. Planum verticale est planum faciens angulum rectum cum horizonte. Planum declive est planum faciens

cum horizonte angulum recto minorem. Quo autem hic angulus fuerit major infra rectum, eò planū est declivius.

3. Perpendicularum ponderis est recta imaginaria, transiens per centrum gravitatis globi, & perveniens ad centrum Mundi.

4. Perpendicularum potentiae est recta imaginaria, transiens per punctum applicationis potentiae, ac perveniens ad centrum Mundi.

Hac perpendiculara ex 9. suppositione sunt ad sensum parallela. Si autem ex applicatione potentiae ducatur recta normalis perpendicularo ponderis, hac metitur distantiam potentiae a pondere, quasi esset arcus ex centro Mundi iuxta suppos. 10.

5. Momentum globi M, compositum ex totali gravitate (quae est in centro M, seu in radio MG normali ad horizontē) & ex distantia MN a potentia N, impediēte ne recta MN desinat esse parallela horizonti, est impetus quo globus M conatur se dividere a potentia N, & gravat ipsam potentiam. Si verò potentia applicetur in E, momentum erit compositum ex totali gravitate, & ex distantia EF.



6. Momentum solius gravitatis totalis globi, est impetus, quo globus, virtute solius gravitatis totalis, aut descendit, aut exigit descendere perpendiculariter.

7. Momentum globi super plano declivi, est impetus, quo globus incumbens plano declivi, aut descendit aut exigit descendere super eodem plano. Hoc momentum dici potest pariale, quatenus est minus momento totali, quod inest globo ut descendat perpendiculariter.

8. Linea quam in descensu merè naturali describit centrum gravitatis globi, vocatur linea directionis. adeoque respectu descensus perpendicularis, linea directionis est diameter globi normalis horizonti. Si descensus globi super plano declivi sit merè naturalis, linea directionis est diameter globi parallela plano declivi.

Ex radijs MN, IH, unus sit duplus alterius. pondus globi M sit 16 librarum, adeoque pondus globi I sit 2 librarum. Notum est experientia, ut sustineatur in H globus I, in distantia HI a pondere totali quod censetur esse in I, exigi maiorem nisum, quam ut sustineatur in L, ubi nisus potentiae sustinentis globum I, esset 2 librarum, seu esset æqualis nisui, quo potentia sustineret pondus bilibre; ob punctum L incidens in perpendiculū globi: Proinde in H exigatur nisus 4 librarum, duplus quā in L. Si globus I esset 16 librarum; ut sustineretur in H, necessarius esset nisus 32 librarum. Atqui globus M est 16 librarum, ac distantia NM est dupla distantiae HI. ergo ut sustineatur globus M in distantia NM, requiritur nisus 64 librarum; quum ad eum sustinendum in G, sufficiat nisus 16 librarum, adeoque, nisus potentiarum N & H, habent rationem compositam ex pondere M, 16. ad pondus I, 2. & ex distantia NM, 4. ad distantiam HI, 2. ac sunt, ut numerus 16. multiplicatus per 4. ad numerum 2. multiplicatum per 2. quæ est ratio 64. ad 4.

Si in globo M, recta FE parallela ad MN, fuerit æqualis radio IH, nisus potentiae, quæ sustineat in E. globum M pendentem ex distantia EF, erit 32. librarum; veluti si globus I esset 16. librarum, eumque sustineret in H. adeoque nisus potentiarum N & E, habent eandem rationem, quam numerus 16. multiplicatus per 4. ad 16. multiplicatum per 2. quæ est ratio 64. ad 32. videlicet, si distantia NM reddit pondus M, veluti quadruplum ipsius, in G sustentati; distantia EF reddit illud veluti duplum ejusdem sustentati in G (quia in uno casu gravitatio ponderis M est quadrupla; in alio est dupla totalis gravitatis) Idcirco, ut sustineatur in N, ex distantia NM, globus M 16. librarum, necessarius est nisus, quo potentia sustineret perpendiculariter 64. libras; & ut sustineatur in E. ex distantia EF, idem globus M 16. librarum, necessarius est nisus, quo potentia sustineret perpendiculariter 32 libras admissio videlicet, quodd ad sustinendum in H, in distantia HI pondus I, 2 librarum, necessarius sit nisus, quo potentia sustineret pondus 4. librarum.

9

Scholion I.

SI perpendiculum potentiaæ detinentis globum M penitus immotum, & perpendiculum ponderis globi M non habeant ullam distantiam (ut contingit si potentia applicetur in G) conatus globi, ut sublata violentia quam patitur, descendat perpendiculariter; & resistentia potentiaæ G, sunt æquales; ideò pressio quam sustinet potentia G, æquatur momento, quo globus M, ratione totius, & solius gravitatis nititur descendere perpendiculariter. Si potentia G, elevet globum M perpendiculariter, virtus quam exercet, & pressio quam sustinet potentia G, est maior impulsu & gravitate globi M. Si potentia tangens globum in G, sinat illum descendere perpendiculariter, cum omnimoda velocitate illi congrua, potentia non gravatur pondere ullo. Si potentia retardet descensum perpendicularem, globi, quantum tollit de velocitate descensus, tantum sustinet de gravitate. Aliquid autem simile contingit in globo descendente super plano declivi: ac propterea, planum declive, quantum tollit de velocitate, quam haberet globus si liberè descenderet perpendiculariter, tantum sustinet de eius gravitate.

Si potentia applicata in N, detineat globum M penitus immotum, infert illi duplicem violentiam; nam & impedit globum ne liberè descendat perpendiculariter, ac sustinet globum extra perpendiculum ponderis, cogendo radium MN, ut retineat situm parallelum horizonti. Porro conatus globi, ut sublata duplici ea violentia, dividat se a potentia N, ac resistentia ipsius potentiaæ, sunt æquales: ideo, pressio quam sustinet potentia N, æquatur momento illi composito globi M. Quia verò, quamdiu potentia N, impedit ne radius MN desinat esse parallelus horizonti, pergit inferre globo duplicem violentiam; propterea, seu globus M detineatur penitus immotus, seu elevetur, seu deprimatur per potentiam N, pressio qua gravat ipsam potentiam N, numquam est minor momento suo composito. Proinde, globus M 16 librarum, nequit exercere momentum compositum ex tota gravitate, & ex distantia MN, quin grauet potentiam N pressione 64 librarum. E converso, si exerceat momentum

Fundamentorum Vniuersæ scientiæ de Motu uniformiter accelerato D. Alexandri Marchetti. Ac diu antea, idem assumptum eodem medio demonstrandum suscepit Ioannes Marcus Marci, prop. 14. de proportionibus motus.

PROPOSITIO III.

Momenta globorum D, & B liberè descendentiū, non sunt conatus dividendi se à contactibus O & E.


Momentum totale globi D est maius momento partiali globi æqualis B. ergo si momenta essent conatus dividendi se a contactibus O & E, globus D faceret maiorem conatum ut se dividat ab O, quam globus B ut se diuidat ab E. sed conatus globorum essent correlativi impedimentorum, provenientium a planis ST, SV, ne globi D & B dividant se ab O & E. ergo si globus D faceret maiorem conatum quàm globus B, planum ST magis impediret globum D ne se dividat ab O, quàm planum SV globum B ne se dividat ab E. Atqui planum ST nullo modo impedit globum D; adeoque globus D non facit ullum conatum ut se dividat a plano ST. ergo globus D non facit maiorem conatum ut se dividat ab O, quàm globus B ut se dividat ab E. adeoque momenta globorum D & B non sunt conatus dividendi se a contactibus O & E.

PROPOSITIO IV.

Momenta globorum D & B liberè descendentiū, non sunt composita.

Patet ex 5. defin. ex 1. Scholio 2. propos. & ex 3. prop.


Scholion.



FRustra lineæ rectæ DO, FE parallelæ horizonti prolongarentur in L & G, indidem suspensis gravibus L & G, ita ut gravia D & L sint reciproca distantiarum DO, LO gravia B & G sint reciproca distantiarum FE, GE. Nam licet ultro concedam, rectas DL, FG esse vectes primi generis; nihilominus per vectem DL qui detineatur in æqui-

ne is; nihilominus per vectem DL qui detineatur in æqui-


æquilibrium a suis ponderibus D & L, & hæc sustineantur totaliter plano M V in O, nequit explicari momentum totale globi D perpendiculariter descendentis, & nulla



sui parte gravantis planum MV. Per vectem FG, qui detineatur in æquilibrium a suis ponderibus F & G, & hæc totaliter sustineantur plano S V in E, nequit explicari momentum parziale globi B descendentis super plano SV, & idem planum prementis parte dumtaxat suæ gravitatis.

Addo, si supponamus id quod notum & demonstratum est; nimirum, vectem primi generis DL, in casu præsentis manere æquilibratum, quia centrum gravitatis, commune utrique ponderi, incidit in perpendiculum MV fulcri O; manifestum fore quo loco habenda sit hæc propositio: *Momenta gravium detinentium in æquilibrium vectem primi generis, proportionem habent compositam ex proportionibus ponderum, & longitudinum.* & an meritò nuncupari valeat solidum fundamentum theorematum Mechanicorum. Nam in vecte DL, ad veram compositionem momentorum, ex gravitatibus, & ex longitudinibus vel distantis, globi D & L censi debent duo gravia, quæ singula habeant suas distantias a fulcro O, ac sua momenta, ut constat ex prop. 2. sed implicat ut globi D & L censeantur duo gravia, quum ex hypothese habeant unum centrum gravitatis commune. implicat ut gravitates utriusque globi habeant suas distantias a fulcro O, quum centrum gravitatis commune, incidat in perpendiculum MV ipsius fulcri. implicat ut singuli globi habeant sua momenta, quum unicam & communem gravitationem exerceant in centro communi O, & in perpendiculo MV. ergo implicat in vecte DL dari compositionem momentorum. atque idem dicendum est de vecte FG.

PROPOSITIO V.



Implicat, momentum parziale globi B liberè descendens super plano SV, ad totale momentum globi D liberè descendens perpendiculariter, ideo esse ut distantiam EF ad distantiam OD, vel ut perpendiculum ST ad planum declivis SV, quia momenta sint composita.

Ex propositione 4. implicat momenta globorum D & B liberè descendentium esse composita. ergo implicat, ideo dari talem proportionem inter momenta, quia sint composita.

Corollarium.

Itaque manifestè sibi contradicunt Autores illi, qui ob rationes quas recitavimus in Schol. 2. prop. 2. asserunt: *Momentū cuiuslibet gravis, quod debeat liberè descendere perpendiculariter, ad momentum eiusdem gravis per lineam inclinatam, esse ut longitudinem inclinatæ ad longitudinem sui perpendiculi.*

PROPOSITIO VI.

Motus globi liberè descendens super plano declivi est omninò naturalis globo, & nullatenus violentus.

Ex eo, quod globus sursum projectus ascendat motu violento, habet in principio motus velocitatem summam quam potest habere; paulatim verò minuitur velocitas; ac demum prævalente gravitate, globus desinit ascendere. Ergo si globus B descenderet motu violento super plano SV, haberet summam velocitatem in principio descensus, quæ minueretur paulatim; ac licet non deesset planum declivis, super quo fieret descensus, globus B desineret descendere. Sed hæc quàm sint absurda nemo non videt. Ergo descensus globi super plano declivi non est violentus, sed omninò naturalis.

Scholion.

IN globo B, descendente super plano declivi SV, consideranda est, tum carentia descensus perpendicularis, tum descensus obliquus. Carentia est violenta, quia procedit ab extrinseco, nimirum a plano declivi SV; globus verò

verò resistit, preimendo planum SV parte illa gravitatis, quæ ab eodem plano impeditur, ne una cum gravitate residua, influat in descensum perpendicularem. Descensus globi B super plano SV, ac motus centri per lineam BA, est omninò naturalis: nam globus eum exigit, & efficit virtute illius partis gravitatis, quæ est expedita ad descensum; eademque pars, impellit centrum per lineam BA, parallelam plano SV; ac nihil influit in talem descensum, quod non sit globo connaturale & intrinsecum. Ob impossibilitatem verò proximam descensus perpendicularis, globus B illum non exigit proximè, sed solum remotè, ac non impellit centrum per radium BC normalem horizonti. Quomodo autem possit dari descensus, mixtus ex naturali & violento, non est huius loci.

PROPOSITIO VII.

Radius BA, parallelus plano declivi SV, est linea directionis, respectu descensus naturalis globi B super eodem plano.

Patet ex definit. 8. & ex Scholio propof. 6.

Corollarium.

Quia verò, impossibile est, ut gravitas totalis impellat centrum globi B per radium BC normalem horizonti; evidens est, radium BC non esse lineam directionis, respectu globi B incumbentis plano declivi SV.

PROPOSITIO VIII.

Gravitas influens in descensus liberos globorum D, & B, est in lineis directionis DL, BA.

In descensum perpendicularem globi D unicè influit pondus ejus totale, totum suum momentum exercens impellendo centrum gravitatis per lineam directionis DL. ergo ex suppositione 4. pondus totale globi D censetur esse in radio DL. Dum globus B descendit super plano SV, ipsum planum SV premitur parte residua gravitatis non influente in descensum: in hunc autem unicè influit pars gravitatis, quæ non sustinetur plano SV; eademque hæc pars totum suum momentum (quod respectu totalis est solum parziale) exercet impellendo centrum gravitatis per lineam directionis BA. ergo pars gravitatis influens in descensum, censetur esse in radio BA; pars verò residua,

dua, quæ sustinetur plano SV , censetur esse in radio BE , normali ad ipsum planum SV .

Corollarium.

Hinc patet, gravitatem quæ causat descensum globi B super plano declivi SV , non existere in perpendicularo BC ; neque habere distantiam FE a contactu E .

Scholion.

IN propof. 8. præiverunt mihi Autores doctissimi, Simon Stevinus, lib. 1. Staticæ prop. 19. Coroll. 2. Galileus, additione posthuma ad Dialogum 3. de Motu & Machinis, Evangelista Torricellius, de Motu gravium prop. 1. P. Vincentius Leotaudus, lib. 3. Magnetologiæ cap. 3. assert. 3. Io. Alphonsus Borellius par. 1. De Motu animalium cap. 13. alijque plures. Nam agentes de Momento gravis super plano declivi SV , adhibent globum B , qui sit suspensus ex filo incidente in diametrum globi parallelam plano SV , & detineatur immotus per potentiam applicatam in A , radio BA parallelo ad planum SV (Torricellius imaginatur, tum centrum globi, tum filum incidere in lineam SV .) Ergo supponunt, momentum globi B super plano SV , oriri ex gravitate existente in linea illa parallela ad SV , quæ gravitas, permixta exercet suam virtutem, vel influendo in descensum globi, quatenus impellit centrum per radium BA (quem vocavimus lineam directionis, cum Mersenno prop. 12. Phænomenon Mechanicorum, & cum Borellio loco citato) vel causando pressionem, quam sustinet potentia A . Et consequenter, Stevinus, Galileus, Torricellius, alijque Autores, volunt, momentum globi impediti per potentiam A , æquari momento ejusdem expediti ad descensum super plano SV ; ac pondus quo gravatur potentia A æquari momento globi B super plano SV . Nunquam verò iis venit in mentem, quod potentia impediens descensum globi B super plano SV , applicanda sit in C , radio BC normali ad horizontem. Alioquin, globus B , pondere suo totali gravaret potentiam C ; ac merè tangeret in E , sed nihil gravaret planum declive SV .

PROPOSITIO IX.

Momentum globi B, liberè descendens super plano declivi SV, ad momentum totale globi æqualis D, liberè descendens perpendiculariter, non est ut perpendiculariculum ST, ad planum declive SV.

Nequit dari proportio illa inter momenta, nisi gravitas causans descensum super plano SV, habeat distantiam FE a contactu E. non habet ex Coroll. prop. 8. ergo &c.

PROPOSITIO X.

Momenta gravium liberè descendentium sunt solius gravitatis.

Ex propositione 6. & ex Scholio 1. propositionis 2. Momenta globorum liberè descendentium, supponunt globos esse expeditos ad motus merè naturales; eademque momenta, ex prop. 8. exercentur unicè in lineis directionis: sed hoc significamus, quum dicimus, momenta gravium esse solius gravitatis: ergo &c.

A D M O N I T I O.

Facultatem obtinui typis edendi plures alias propositiones, in quibus nostra doctrina de Momentis nova methodo exponitur; & stabiliuntur omnia quæ indicavimus in Scholijs propositionum 4. & 8. aliaque plura. Exempli gratia: Quomodo si duo plana normalia sustineant globum, pondera quibus coniunctim gravantur eadem plana, ostendant momenta, quibus divisim impelleretur globus super unoquoque planorum, altero ablato. Quomodo duo plana normalia nequeant gravari æqualiter, nisi faciant angulos semirectos cum plano horizontali: adeoque duo momenta partialia globi, quibus pondera illa æquantur, non sint æqualia, ubi tales duo anguli sint æquales inter se, sed non semirecti. Quomodo nostra methodo indagentur omnia momenta, & sit universalis.

Verum, ne plus æquo Lectores fatigemus, editionem eorum, quæ pro nostra sententia faciunt, in aliud tempus differimus.

L A V S D E O.

Z

1067.20

39 952475

1067.20





